

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak

o odbacivanju Prijave koncentracije kojom fizičko lice Svjetlan Stanić stiče većinsku kontrolu nad privrednim subjektom Bihaćka pivovara d.d. Bihać

Sarajevo
juli, 2024. godine



Broj: UP-05-26-1-008-6/24
Sarajevo, 01.07.2024. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi s čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije fizičkog lica Svjetlana Stanića, Troska bb Kreševo, zastupan po Advokatu iz Sarajeva g. Rašidu Haračiću, ul. Hamdije Kreševljakovića 64, 71000 Sarajevo, zaprimljenoj pod brojem: UP-05-26-1-008-1/24 dana 18.04.2024. godine, na 9. (devetoj) sjednici održanoj dana 01.07.2024. godine, je donijelo

ZAKLJUČAK

1. Odbacuje se Prijava koncentracije fizičkog lica Svjetlana Stanića, Troska bb Kreševo, kojom isti namjerava steći kontrolu nad privrednim subjektom Bihaćka pivovara d.d. Vinička bb Bihać, radi nepostojanja obaveze prijave koncentracije, u smislu člana 14. stav (1) Zakona o konkurenciji.
2. Podnosilac prijave je na ovaj Zaključak dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

Obrazloženje

Konkurencijsko vijeće je dana 18.04.2024. godine, pod brojem: UP-05-26-1-008-1/24, zaprimilo Prijavu namjere koncentracije (u daljem tekstu: Prijava) fizičkog lica Svjetlana Stanića, Troska bb Kreševo, (u daljem tekstu: Podnosilac prijave), kojom isti namjerava steći kontrolu nad privrednim subjektom Bihaćka pivovara d.d. Vinička bb Bihać, (u daljem tekstu: Bihaćka pivovara ili Ciljno društvo), na način da su dana 04.04. 2024. godine, Svjetlan Stanić kao Stjecalac i (...) ¹ osnovnog kapitala privrednog subjekta Bihaćka pivovara d.d. i time sticanja pojedinačne kontrole u skladu sa članom 12. stav (1), tačka b) pod (1) Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon).

U slučaju materijalizacije navedenog prenosa dionica oznake BIPVR, jer dionice privrednog subjekta Bihaćka pivovara d.d. oznake BIPVZ javno ne kotiraju na Sarajevskoj berzi, u skladu sa članom 9. Zakona o preuzimanju dioničkih društava Federacije BiH (Službene novine FBiH broj: 77/15), Sticaocu nastaje obaveza objave ponude za preuzimanje u skladu sa daljim odredbama navedenog Zakona o preuzimanju dioničkih društava.

¹ Podaci predstavljaju poslovnu tajnu u skladu sa članom 38. Zakona o konkurenciji

Kako Prijava nije bila potpuna dana 09.05.2024. godine dopisom broj: UP-05-26-1-008-2/24 Podnosiocu je poslan Zahtjev za dopunu prijave.

Podnosilac je dana 14.05.2024. godine podneskom broj UP-05-26-1-008-3/24 dostavio traženu dopunu prijave koncentracije.

Nakon kompletiranja dokumentacije, utvrđeno je da je Prijava podnesena, u smislu člana 16. stav (2) Zakona i da je ista potpuna u smislu člana 30. Zakona, te je Podnosiocu dana 28.06.2024. godine izdata potvrda o kompletnosti Prijave broj: UP-05-26-1-008-4/24.

Konkurencijsko vijeće je iz Prijave utvrdilo slijedeće činjenice:

1. Učesnici koncentracije

Učesnici koncentracije su fizičko lice Svjetlan Stanić, Troska bb Kreševo i privredni subjekt Bihaćka pivovara d.d. Vinička bb Bihać.

1.1. Fizičko lice Svjetlan Stanić (Podnosilac prijave)

Podnosilac prijave je fizičko lice Svjetlan Stanić nastanjen u Kreševu na adresi Troska bb. Kreševo (JMBG: 1208966172111) osoba koja ima namjeru ostvariti pojedinačnu kontrolu u privrednom subjektu Bihaćka pivovara d.d., a koja ostvaruje pojedinačnu kontrolu nad privrednim subjektima:

a) **Boreas d.o.o. Kreševo** sa sjedištem u Kreševu, na adresi Polje bb, registrovan kod Općinskog suda u Sarajevu pod brojem: 51-01-0159-09, JIB: 4236038450008, koji je uvoznik i ekskluzivni distributer proizvoda Heineken Grupe za tržište Bosne i Hercegovine i

b) **Stanić Beverages d.o.o. Kreševo** sa sjedištem u Kreševu na adresi Polje bb, registrovan kod Općinskog suda u Sarajevu pod brojem: 51-01-0041-13, JIB: 4236576190008, koji je proizvođač bezalkoholnih pića,

kao indirektnim sudionicima u koncentraciji.

1.2. Privredni subjekt Bihaćka pivovara-Ciljno društvo

Privredni subjekt Bihaćka pivovara d.d. Bihać, registrovan je kod Općinskog suda u Bihaću pod matičnim brojem: 1-337-00 int. 1659, na adresi Vinička bb Bihać, sa uplaćenim osnovnim kapitalom u iznosu od 25.453.700,00 KM. Dionice privrednog subjekta Bihaćka pivovara kotiraju na Sarajevskoj berzi, te je u nastavku data lista prvih 10 vlasnika dionica:

Tabela 1.

R.br.	Naziv vlasnika dionica	%
1	IBRAHIMPAŠIĆ ADEM	48.9475
2	ZIF "PROF-PLUS" d.d. Sarajevo	14.1194

3	ZIF "BIG-Investiciona grupa" d.d. Sarajevo	9.3208
4	ZIF "BONUS" d.d. Sarajevo	3.7982
5	KREZIĆ DARIO	2.3494
6	ZIF "FORTUNA FOND" d.d.	2.3073
7	ZIF CROBIH FOND d.d. Mostar	2.1883
8	IBRAHIMPAŠIĆ EDIN	2.1354
9	IBRAHIMPAŠIĆ EMIN	2.001
10	ZIF HERBOS FOND d.d. Tuzla	1.1

Izvor: SASE na dan 10.05.2024.g.

Pretežna registrovana djelatnost privrednog subjekta Bihaćka pivovara d.d. Bihać je proizvodnja piva i bezalkoholnih pića.

Privredni subjekt Bihaćka pivovara d.d. je također suvlasnik 14,2857 % vrijednosti kapitala u privrednom subjektu za upravljanje otpadom Ekopak d.o.o. Sarajevo, ul. Zmaja od Bosne 7-7a, objekat O3, koje nije aktivno na relevantnom tržištu.

2. Pravni okvir ocjene koncentracije

Konkurencijsko vijeće u postupku ocjene koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 34/10).

3. Pravni osnov i oblik koncentracije

Pravni osnov koncentracije je Memorandum o sporazumijevanju potpisan dana 04.04.2024. godine, između (...) * čime bi Svjetlan Stanić postao većinski vlasnik u navedenom privrednom subjektu.

U skladu sa naprijed navedenim, a na osnovu člana 12. stav (1) tačka b) pod (1) Zakona, pravni oblik predmetne koncentracije je sticanje kontrole nad privrednim subjektom Bihaćka pivovara d.d. od strane fizičkog lica Svjetlana Stanića.

4. Relevantno tržište učesnika koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište proizvoda, uzimajući u obzir pretežnu registrovanu djelatnost Ciljnog društva, određeno je kao tržište piva i sokova.

Uzimajući u obzir teritoriju na kojoj se dešava predmetna koncentracija, kao i činjenicu da privredni subjekt Bihaćka pivovara d.d. svoje proizvode prodaje na području čitave Bosne i Hercegovine, relevantno tržište u geografskom smislu je tržište Bosne i Hercegovine.

Shodno gore navedenom relevantno tržište predmetne koncentracije je tržište piva i sokova u Bosni i Hercegovini.

5. Obaveza prijave koncentracije

Obaveza prijave koncentracije postoji ukoliko su uspunjeni uslovi iz člana 14. stav 1) pod a) i b) Zakona, odnosno ako ukupni prihod svih učesnika koncentracije ostvaren podajom roba i /ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM, ili ako je njihovo zajedničko tržišno učešće na relevantnom tržištu veće od 40%.

Ukupni godišnji prihodi privrednih subjekata učesnika koncentracije za 2023. godinu, kao godinu koja je prethodila koncentraciji, u skladu sa članom 14. Zakona su sljedeći:

Tabela 2.

	Svjetlan Stanić		Bihaćka pivovara
	Boreas d.o.o.	Stanić beverages d.o.o.	
Svijet	(..)	(..)	(..)
Bosna i Hercegovina	(..)	(..)	(..)

Izvor: Podaci iz Prijave

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata

Prema podacima iz Tabele br.2, učesnici koncentracije u 2023. godini nisu ostvarili ukupan godišnji prihod koji podliježe obavezi prijave koncentracije u skladu sa članom 14. stav (1) Zakona, s obzirom da ne ispunjavaju uslov o visini ukupnih prihoda svih učesnika na svjetskom tržištu od 100.000.000,00 KM, kao ni uslov pojedinačnog prihoda svakog učesnika u koncentraciji ostvarenog na tržištu Bosne i Hercegovine, koji treba da iznosi najmanje 8.000.000,00 KM.

- a) Učešće sudionika namjeravane koncentracije i njihovih glavnih konkurenata na tržištu piva u Bosni i Hercegovini u 2023. godini:

Tabela 3.

R.Br.	Naziv	2023.g. (%)
1	Molson Coors	(..)
2	Heineken	(..)

3	Carlsberg	(..)
4	Banjalučka pivovara	(..)
5	Sarajevska pivovara	(..)
6	Bihačka pivovara	(..)
7	Ostali	(..)
8	Ukupno	100
	Ukupno 2+6	(..)

Izvor: Prijava-Nielsen report

Prema podacima iz Tabele 3. zajednički udio učesnika koncentracije na tržištu piva u Bosni i Hercegovini u 2023. godini je 24 %.

- a) Učešće sudionika namjeravane koncentracije i njihovih glavnih konkurenata na tržištu sokova u Bosni i Hercegovini u 2023. godini:

Tabela 4.

R.Br.	Naziv	2023.g. (%)
1	Fructal	(..)
2	Nectar	(..)
3	Stanić beverages	(..)
4	Rauch	(..)
5	Coca-Cola	(..)
6	Ostali	(..)
7	Ukupno	100,00

Izvor: Prijava-Nielsen report

U tabeli 4. prikazani su udjeli učesnika koncentracije Stanić beverages od (..) %, kao i četiri najveća konkurenta na relevantnom tržištu sokova, dok je udio privrednog subjekta Bihačka pivovara d.d. veoma nizak i nije pojedinačno obuhvaćen Nieleesen izvještajem, nego se nalazi u grupi Ostali u kojoj su svi ostali konkurenti sa udjelom od (..) % udjela na tržištu.

Prema navedenim podacima, učesnici koncentracije nisu ispunili uslov iz člana 14. stav (1) tačka b) u pogledu tržišnog učešća, obzirom da Ciljno društvo ne obavlja svoju djelatnost na teritoriji Bosne i Hercegovine, odnosno nema tržišnog učešća na tržištu u Bosni i Hercegovini.

6. Ocjena prijave koncentracije

Konkurencijsko vijeće je u postupku ocjene podnesene Prijave, kao i dostavljene dokumentacije, utvrdilo kako ne postoji obaveza prijave koncentracije u skladu sa članom 14. stav (1) Zakona.

Uzimajući u obzir navedeno Konkurencijsko vijeće je odlučilo kao u dispozitivu ovoga Zaključka.

7. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) dužan je platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

8. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

Adisa Begić

Dostaviti:

- Podnosiocu zahtjeva
- u spis